

上册

玉簾



親雨集

唐虞居士題

藏



由國家圖書館數位化、典藏

金壇王次回先生著

疑
兩
集

澹盦居士陳震題



民國十年石印



總發行所
上海北市
棋盤街
掃葉山房

民國元年四校重印

序

詩發乎情而王風之變桑中洧外列在三百為艷歌之始其後讀曲子夜寂寥促節在唐則玉溪恂恂旨近楚騷韓相香奩言猶微婉於是金壇王先生彥泓以閎肆之才寫宕往之致窮情盡態刻露深永可謂橫絕今古也今疑雨集之名籍甚江左少年傳寫家藏一帙概其餘瀋便欲名家而本集顧未有鈔板以傳者侯子蔚讀而賞之爰加校定付之剞劂由是先生之詩顯然共之天下矣嗟乎金沙當承平之日甲第相望一時裙屐子弟席華膺擅才情平居以聲色相徵逐拂袖挂釵留髻送客之事習為故常至于擘牋刻燭才亦足以副之故當日能詩之士蓋多其人而風尚所歸竝同一轍雖其酣嬉蕩軼不可謂為正音然由後以觀盛衰之端感慨係之矣余既喜蔚讀之能刻是詩而因徵論其世以俟後之覽者定焉無錫嚴繩孫題

明萬曆中金沙王次回先生以博學好古名聞於時其為詩多艷體向嘗于列朝詩集中窺見其一二意殊未竟也歲庚午余選詞於亦園既輟簡客有謂余者曰次回先生詩沉博絕麗無語不香有愁必媚玉臺西崑而後不易多得惜其遺稿

未刻也盍付之梓余曰諾因出其所藏疑雨集以示余余讀而愛之為之弁其首
曰凡物之精神嘗萃於是者其光怪陸離必有不可遏抑之處次回先生窮年力
學屢困場屋斷瑤琴折蘭玉其坎坷潦倒實有屈子之哀江淹之恨步兵之失路
無聊與杜少陵無家垂老之憂傷憔悴而特托之於兒女丁寧閨門婉戀以寫其
胸中之幽怨不得概以紅粉青樓裁雲鏤月之句目之也先生既歿其遺孤尚幼
詩幾散軼矣而故交弢仲于君藏之巾笥屢欲壽之剗剗後因循未果蠹蝕塵侵
又幾散軼矣而今尚有錄而存之者嗟乎物之出也有候其藏也有待先生之去
今百有餘年矣而先生之精神有嘗萃于是者余之為是刻也余非知先生者也
夫亦先生之詩所為光怪陸離久而欲出者自不可遏抑焉爾梁谿後學侯文燦
書於于野草堂

疑雨集卷一

金壇王彥泓次回著

己巳年

花燭詩

四月春蠶已剝綿。困人風日嫁人天。不知織就鴛鴦錦。廢卻如花幾夜眠。

無題四首

弄玉當年未嫁時。徘徊好影自矜持。幾從畫府迴嬌靨。羞向花間曳綺綦。千蝶帳深縈短夢。九雛釵重困初筭。朝回夫婿鳴驄去。下卻珠簾不肯窺。

學書不學衛夫人。度曲惟教唱柳君。鸚鵡自將新律教。鴉兒閑取練香熏。鏡中鑄就嬌顏色。帳裏驚回好夢魂。一榻茶烟清似水。金釵劃作斷腸紋。

瓊樹瑤枝分外清。雄川應是舊儀形。閣中碧玉誰人識。樓上羅敷只自名。二尺吐雲嫌髻短。五銖含霧喜身輕。從來不作多情調。羞讀關雎第四聲。

栽培豔質向瑤階。取次簾櫳不放開。裏手倩人收寶鈿。含顰揀樣畫香煤。腰肢未許同行儷。性格還從夫婿猜。阿母錯憐教不嫁。幾回偷看畫圖來。



催粧詩六首

嬌羞不肯下粧臺。侍女環將九子釵。寄語倦粧人。說道輕施朱粉學慵來。十步笙歌響碧霄。嚴粧無力夜迢迢。休將雙黛憑人試。留與張郎見後描。說嫁心驚盡日癡。尊前玉筯鎮雙垂。不知夫婿尤憐惜。卻憶嬌嗔阿母時。羞向明牕結佩璫。穿衣寶鏡暗生光。生憎烏鵲來相噪。嘿嘿無言下象牀。當初忍笑畫鴛鴦。真箇如今假鳳凰。別卻羣仙拜玉母。已聞青鳥報劉郎。雲作雙鬟雪作肌。天教分付與男兒。轉身拭淚銀河畔。別卻鴛機再不歸。

丙辰年

吳行紀事

月鐘霜瓦凍鴉啼。夢裏楓橋卻向西。暖語未終天忽曉。不堪空作醉鄉迷。相要。不說。卷。衣。裳。笑。挽。流。蘇。背。燭。光。賴。有。暖。言。堪。入。骨。一。宵。輸。意。伴。王。昌。遠。身。一。步。也。堪。憐。特。地。呼。來。放。膝。邊。問。道。初。寒。身。怕。冷。今。宵。多。半。要。裝。綿。燒。殘。絳。蠟。啼。千。筋。碎。嚼。冰。蠶。攪。萬。絲。水。國。不。生。紅。豆。子。贈。卿。何。物。助。相。思。尊。前。一。笑。兩。相。同。燭。映。羞。顏。綺。旒。紅。更。有。銷。魂。人。不。見。斷。雲。零。雨。數。聲。中。

此作寄托宏遠
天孫有知當
為淚下

愛弄黃金佛手香。不因清轉不輕嘗。從今奪卻春鶯舌。只辨雙柑聽遠梁。
感郎珍重不能羞。夜淺香濃一作掩畫樓。翠濕乍慵花上蝶。紅酣常溼雨中鳩。

丁巳年

燈宵紀事

燈樓月沼映春雲。蕭鼓風前院院聞。但是酒旗歌板地。一時淒切想離羣。

踏霧一作天街豔步狂。微風一道一作路染衣香。遊人暗逐芳塵去。拾得兒家紫佩囊。

春空淡白照一作似銀紗。一逕幽尋避月華。記得畫橋南一作西畔去。綠楊陰下是他家。

趙李鈿車昔昔遊。酒邊燈下共遲留。如何月照金堂夜。只有梅花伴莫愁。

無題

玉壺傳點出花藪。青鳥銜箋尚未通。砌就銀灣烏不度。築成瑤圃鶴難逢。春濃逗夢三千里。路暗迷人十二峰。蠟照漸微香炷冷。珮聲纔遠畫堂東。

繞枕離懷話未窮。河梁只在此樓中。迎愁月剩三分白。隔淚燈搖一點紅。有霧不

曾一作遮別路隨風想得過花叢王昌望裏千回首滿院簾櫳颺曉風

戊午年

入吳訪賀無因

心期如水較清深未許湘波隔桂林勝賞每邀雌霓句壯情時警怒鼉吟棧邊手
爪軟何似鏡裏頭顱嘆不禁此夕吳裝冷烟月橫塘清嘯一相尋

昆季避暑分韻得清字

大地炎埃隙地清烏衣遊集葛衣新已隨雁序流三雅更倚篴音奏四聲暮寂未
能蠲塵拂凌寒何事慰棋枰阿連愛借幽心句一夕西堂夢草生

有所窺春日訪無因尚在內寢侍兒囑余勿喚因留八句

花影花香攪睡情香融繡被夾羅輕楚雲入夢渾迷曉蜀酒禁愁一作誤達晨曲

曲銀屏低拂燕層層珠箔略聞鶯遊人一作狂朋竊探樓鴛去刻向琅玕一作記我曾

賦得隔水樓高

一寸心期百尺樓明河界作兩邊秋移開月扇朝雲出掩過銀屏夜月收鬢態易
迷花影亂衣香暗接水光一作浮殘陽沒後寒燈小各自垂簾背雨愁

睡起

睡起即尊前。前埽霽魄圓。晚花疎。要好秋鳥靜。堪憐。風露當歌落。星河向酒懸。宿醒猶未解。於此復陶然。

即事

醉色風前減。茶香雨後添。看粧仍把卷。相對一爐烟。

王敬宏夫人

碧澗青林自掩關。調停朱粉傅雙鬟。江陵隔歲書題絕。只道貪游未得閒。為探雛鳳過高齋。更戀新涼未即回。底事江陵經歲去。桓元只合買舟來。

御君近得鬼歌有。流水斷橋魂不渡。夜深孤影月明中。之句因廣其境成篇。夜永迷靈逐恨飄。漆燈閃爍隔溪橋。荒塗露下千蟲歇。絕壑風生萬木號。水脉獨來愁不渡。山河誰在語相邀。由來地下悲秋况。還與人間共寂寥。

京口寓興次叔聞韻

三山新沐翠琉璃。喜是殘尊未酒時。出郭斜過穿苑路。傍林低度拂人枝。江聲遠和松風轉。山色遙連麥浪吹。幽徑夕陽常醉臥。往來空羨牧羊兒。

酒痕衫袖尚淋漓。日壓重檐睡醒時。暮寂未能蠲爽具。尋幽何必見花枝。多才筆舌臨江咏。入夢簫聲隔院吹。昨夜城南新得句。愁中偷賦比紅兒。

半帆閣避暑

長林莽莽翠扶檐。柳下風來散午炎。綠粉清凝千箇竹。紅衣飄動萬枝蓮。雲迴樹影移茶竈。雨送林香入酒船。一曲清歌高閣迥。一作半帆衝斷夕陽烟

獨酌

旅酒衝愁薄。庭梅寓賞孤。偶來清月伴。惟與博山俱。

寄周以眉 逸其全首

相逢曾半醉。一別竟殘春。

己未年

雲間獨歸留別叔聞于青谿歸後寄之

三年無處不盤桓。客舍逢君一破顏。長共清尊無足恨。每聞佳句有餘歡。閒來步履一作烟郊晚。醒後談深雨榻寒。今日獨歸翻似客。杏花狼籍不曾看。

無題

幾層芳樹幾層樓。只隔歡娛。佳一作不隔愁。花外月一作遷延。惟微一作見影月中。花一作尋覓。略聞謳吳歌。淒斷偏相入。楚夢微茫。不易留時節。落花人病酒。睡魂經一驚。雨思悠悠。

瞥見詩本不工存其深恨聊堪當泣何忍長歌

別來清減轉多姿。花影長廊。瞥見時。雙鬢淡烟雙袖淚。恨人剛道莫相思。

盈盈

盈盈一翠條。的的望中嬌。祇恐風飄去。還愁日炙銷。迎來纔得近。背去又成遙。路轉齊回首。飛花一作東風咽百勞。

咏史

不恨身短恨情長。春去空餘樹底芳。恍隔紗櫳聞暗珮。欲牽重幕睹明粧。五澆翠影神同醉。筆寫蘭儀語亦香。漢殿傾城真浪說。生前掩面鬱金牀。殿淑儀冠劍紛紛出石城。偏從佳客問分明。只應不避蘭成妒。慙慙鶯啼說太清。花顏玉帶擁高城。迢遞情人到楚荆。此日清油開別榻。不知傳酒屬何人。一作蕭韻

無題

倚樹臨樓臥酒壚。清狂判得費工夫。寒輕泥拔金釵飲。醉淺佯邀小玉扶。粉迹著一作書新指。暈翠痕。沾袖舊眉圖。聞來花下偏相問。昨製一作味無題事有無。

庚申年

燕

別卻天涯到畫梁。天涯幾處為迴腸。橫塘掠水經微雨。小院拖花過夕陽。飛去定尋前歲壘。舞來猶帶隔林香。雙栖碎語重檐月。夢入關河夜正長。

辛酉年

江上

回首江雲淚幾一作雙酒空金盡在他鄉。窮途自合親情斷一作薄幽恨那堪世事忙。兩岸草花秋寂歷。一船烟月夜淒涼。不知身是孤飛鳥。猶誤題箋寄孟光。

光末二句戊辰年改定故云

壬戌年

贈馮元甫

濁醪傾罷奈愁何。客有馮驩慰放歌。伏驥志償一作肯辭燕市價一作雪困鯨羞借楚

江波更新滅。竈鴻應少集。苑辭枯鳥更多。肝膽只君堪。付託為抽心。鐵一橫磨。

癸亥年

贈龔君瑞

閉戶繙書有幾車。青燈深夜映牕紗。半簾蕉雨時飄。硯一砒松風靜。煮茶筆陣戰。酣蠶食葉文心磨。洗鐵泥沙。今朝試向溪頭步。幾樹疎一作寒梅盡著花。

所見

油壁紅簾映日開。畫羅氳逆風來。明粧自是憐清。沿細步還應惜。落梅嫁早怕。逢先認客春寒。愁上最高臺。尋幽賴有潘郎共。便到殘陽且莫催。

春晴

柳弱不堪扶。春秋劇鷓鴣。翠烟三月盡。紅雨一庭無。曉日鳩呼婦。晴風燕引雛。東隣踏青女。今日在南湖。

贈康元始歸試雲間 不全

碧水東風雨腳斜。暮春離客似離家。牛腰詩卷青舟載。龍腹才名白社誇。

重題

階前漫有忘憂草。帳裏空垂辟悶犀。惟有相思助吟興。一篇纔了又重題。

效元相體

梨花淡淡玉亭亭。憶得雙文編素晶。最是鏡前歡喜處。斷紅一作蛾綠越分明。

香絲一作髮壓枕落玫瑰。憶得雙文睡臉迴。底事沉吟又如笑。與君剛在夢中來。

贈所歡 逸其一

嚼花吹葉弄粧遲。笑把花枝唱竹枝。千蝶帳深紫午夢。九雛釵重困春筓。人誇豔

極偏耽靜。天遣情多莫諱。癡嫁得書生。不一作無謂纏頭只索一作斷腸詩。

橫塘

卻持離淚下西軒。絡緯秋聲玉砌喧。行過迴塘更添恨。綠荷猶自蓋雙鴛。

贈端己時湘雲在坐

澹月簾櫳畫燭筵。燕臺佳句柳枝憐。香盤膩髮春雲溼。酒入寒肌夜玉憐。眼媚暗

流燈影外。喚聲低徹枕函邊。湘君一夕啼。多少染得衾。斑似竹鮮。

甲子年

贈雲客

不為郎歸不卷簾。碧莎春砌步纖纖。長裙書帶同心結。斗帳歌聲刮骨鹽。險約最歡來意外。一作表沉憂難諱到眉尖。斜陽欲度梅梢盡。纔向紅牕拂鏡奩。一作風塵似屬猜防

外誰道猜防別自嚴
贈君錫即用其韻兼有以勉之

珍重閑情肯浪癡。一回蹤跡幾回思。目成歌席先偷笑。淚盡離衫未解攜。此日一作

夕碧桃三度竊何年。瓊樹一枝移憐君正在。一作花穠處莫到成陰卻恨遲

乙丑年

病中柬友

憶別江皋酒半酣。病身全似再眠蠶。維摩斗室經旬掩。願接枚生一快談。

感懷雜詠

何處青林好。一作可卜居布帆空載一船書。理文有象慙吞鳳。避債無臺敢食魚。貧

骨豈容仙藥換。牢愁難借妙言除。臨邛四壁令如此。誰更同時賦子虛。

旅夢初回百恨新。寸腸焚絕淚成冰。窮途易感如楊子。舊里難歸似柏人。駿價有誰沽。死骨鯨波無分活。枯鱗多愁髀肉空。如削。躍馬何曾及病身。

梯攻百道是愁心。痛飲排愁肺病侵。無計散懷惟慟哭。難持孤憤寄登臨。雪封客舍。炊烟斷。風度僧寮。藥氣深。世味如茶。嘗欲遍。剩餘殘骨付亦作哀吟。病骨嶮岩。又見春石。憂叢集未亡身。朋歡散盡。清言絕。家信來疎。惡夢頻。永夜獨醒。如露鶴。他年相弔。只秋蠅。蒲團欲覓。消除法。心似驚波。恨一作轉新。

強歡

悲來填臆強為歡。不覺花前存淚彈。閱世已知寒暖變。逢人真覺笑啼難。詩堪當哭。狂何惜。酒果排愁病也拚。無限傷心。倚棠樹。東南枝下。獨盤桓。

衢州見橘樹纍纍

笑感長蛾。膩齒酸酒闌。常記手摻摻。車邊碧樹垂朱顆。誰為天涯寄合歡。

自悼

一片愁聲四壁蟲。勞勞魚目五更鐘。自知荀粲年華促。已分崔郊智畫窮。靈藥幾時分。月姊綈袍端。欲借天公空堂泣。下無人會。羞向琵琶問吉凶。

日日有雨時在漳南道中

望見鄉山一抹青。霎時風雨暗前汀。天公也似人哀怨。每到斜陽一淚零。

死別

三年珍重感憐才。此別應須到夜臺。中路相拋悲復媿。幾時還望墓田來。

客思

月照林烏露入船。也知鴛閣未成眠。闌窗燭剩猶鍼綫。小榻香消尚管絃。歌罷定應悲悄悄。夢來須認路綿綿。迴腸九曲何須一作道此夕腸迴幾萬千。

山行慰肩輿者

峻嶒石路憫輿徒。猶喜羸形似鶴癯。祇恨一作載將愁萬斛無由一作輕卸卻何如。

對花雜慟

瓊香一片委輕埃。猶憶春時傍砌開。腸斷江南陳叔寶。麗華身後恰歸來。一度聽歌幾日哀。滿前花事眼慵擡。紅梨不識傷心客。猶倚東風送笑來。分付庭花莫再開。卷簾無復玉人來。花神若也相哀念。為結連枝向墓臺。

歸途自嘆

畫屏人去錦鱗稀。愁見啼紅染客衣。縱使到家仍是客。迢迢鄉路為誰歸。

鰥緒三十二韻

映月熒熒燭凝寒。瑟琴凋殘春添藥。枕獨夜減香篝。背立偷彈淚低眼。嬾卸頭臨
 風看蝶戲。聽雨替花憂。臉薄三危醉。蛾彎雨筆愁。疑來聞掣鎖。夢好破鳴鉤。玉筋
 辭征騎。金錢卜去舟。悔多翻自笑。怨極不能羞。泣盡重衫溼。悲來獨繭抽。涼蓼拋
 月簟薄。袖倚霜樓。悵望前裾約。丁寤拾翠傳。長烟迷別浦。短照隔橫溝。肺渴那堪
 療。腸枯莫可搜。悽聲傳鉄撿。歡字隱金強。遠眺心如結。卑棲命不猶。宜男那有驗。
 繡佛本無求。院靜鐘難曉。宮深扇易秋。鶯皇開遠字。辛苦覓良郵。駭浪終危燕。愁
 霖實誤鳩。忍看雲鬢樣。空憶月眉脩。冷榻懸紅勝。虛房掩碧油。豔蹤花逕窈。香跡
 鮮庭幽。自此悲陳事。從今悅獨遊。猶疑屏後語。真悔鏡前謀。星月明。柝照風波暗。
 未休路。迢心膽嫩。書香怨。猜稠解珮憐。江芷貽環識。石榴湖橋尋畫舫。苑陌盼香
 鞞。遍踏靡蕪。逕迴穿杜若。洲寄花含曉。露題葉信春。流鮒一作空鱗滯鴛一作
 溪比翼。適支機和淚。贈珍重。避牽牛。

丙寅年

寄懷毅仲秣陵并促歸騎

春光漂蕩別離天。心似游絲百尺牽。見說人歸歸雁後。那堪淚落落花前。南都翠黛宜為史。北里紅牋定幾篇。爭似碧牕銀燭夜。月痕依約話蟬聯。一作纏綿

和于氏諸子秋詞

小屏低榻浣衣家。幾度論心掩碧紗。此日踏歌門外過。墻頭認得刺桐華。曾將玉蕊餉粧臺。低枕親聞暗麝來。爭一作可奈莫秋花事斷。閒牕驚喜蠟梅開。喜到一作人眉端。一作痕感愛灣天然。娟媚不須刪。笑供沉水和歡道。情暖長須似博山。

山

月澹一作淨花寒曉鏡前。初涼天氣嬾孤眠。秋姿較比春姿豔。試看霜楓似杜鵑。

底事秋天易得明。曉風簾外似人行。今宵月好須重照。草草一作昔猶多未訴情。

關心日影轉前墀。又到蕭郎過院時。重向鏡中看一遍。髻花刪卻半媽枝。

每到尊前百恨攢。意中人似畫中看。親過一盞休辭滿。照見如花素一作影寒。

涼戶微星自抱衾。羅鞋點露曲廊深。丁宜蠟燭休垂淚。為照尋郎一寸心。

鍼線秋燈淡翠蛾同心花樣費描摹明宵相贈今宵辨莫誤歡期必渡河

花鳥釵頭抗細風水晶蝴蝶玉蓮蓬偏憐宛頸偎人處雨點柔藍映退紅

生成羞怯性難除卻笑遺塗便攬袂別有關心人不覺好風偏為拂羅裾

卻要因循簟未鋪鸚哥傳道畫堂呼風光瞥去銷魂在贏得驚心也勝無

香奩集 邵要因

循添逸興不知邵要 為何語想亦助詞耳

奉瑩征衫淚一雙索居從此閉瑤牕還愁夢裏尋郎去烟月凄迷隔暮江

殘陽歸去若為情將息臨歧有一聲想到碧牕攜手地一作 處月痕長見淚痕生

半裏紅巾淚語低別離情味莫淒淒鴛鴦守定雙飛願一任驚波浪影齊

折與梅花插帽檐清霜寒沁玉尖尖尋常只伴燠爐坐今日迎歡乍一作 出廉

缺一作 涼月橫牕燭未一作 半銷臥聞清露滴寒蕉悠揚別夢飄何處一作 所誰托愁魂

為一摺

風縹迥塘乍雪消謝娘牕戶隔紅蕉殷勤更託一作 覓西隣女為一作 試約滿裙一作 試

為一摺

所思迢遞隔三湘為繡長幡供法王但是有情皆滿願妙蓮花說不荒唐

笑將裙帶縛空篋更卸金釵當酒籌此夜嫦娥最相羨月輪斜照合歡稠
半睡花冠倦未除枕稜釵溜點羅袂玉一作蕭郎何處潛來到笑倩迴燈整翠裾
綠珠歌遠截秋雲月皎霜高乍破一作引唇吹動客腸幽怨事欲憑風寄桂堂人
白描紈扇夾湘筠鬢影斜籠一作低淺露唇非是見君多掩斂不禁羞恍為旁人
手把瓊釵叩綠筠一聲淒一作哀調激芳唇蕭郎半月無歸耗便似迴文織恨人
處處風波逐枕衾相看今又到秋深千闕百就多一作俱辛苦只願君心似妾心

憶著

憶著垂鬟覆額時此生難負謝芳姿半宵歡淚零殘燭十載離腸攪亂絲相望莫
辭千里隔行蹤惟許月明知從今注定鴛鴦牒一炷盟香一首詩

雜記

斂笑防疑意緒諧背人佯不隱紅鞋分明簇蝶低鬟畔認得花紋細股斂
病榻香銷半掩闕別離耽誤一秋閑近來本是梳頭少約髻紅絲宛未殷
燈邊調笑酒邊嗔寒透羅衫十月春愛問插花時勢樣闊骨鬆一作髮似何人
弄樂爭花語笑稠忽然幽事到心頭眉尖怕被同袍覺強作無愁倍是愁

青鳥閑將病耗傳。惹伊愁絕轉生。一作憐今朝教向當牕。一作慮中庭見已試梳。

頭曉鏡前。一作暫出簾。

墻陰遠遍卻空還。烟樹紅扉不啓關。解一作會得檀郎生性否。暮鐘時候怕身閑。

暫見花間滴淚頻。斷腸滋味一番新。匆匆風影驚分處。尚自回頭囑付人。

窄闌逢處不擡頭。臉暈猶呈一作減燭羞翻。一作憶未成歡愛日。一番相見一迴

睂

別緒

忍淚尊前不敢彈。隔屏斜立見眉端。長途願作雲隨夢。單枕難憑玉辟寒。自信功名闕。妾分儘留顏色待君歡。歸來會有紅牕夜。免把離容再四看。

愁遣

雁叫蛩吟斷續聞。餘醒解盡未宵分。羅衾寬甚渾無煖。枉殺香篝夕夕薰。

本為無聊借酒澆。酒邊情味更無聊。不知悵望緣何事。但覺歡情日漸消。一作旋旋

午夢迷離帶宿醒。寸腸愁事獨惺惺。排愁剩有聽歌處。到得聽歌又淚零。

進酒難如斷酒難。幾番溫卻又重寒。平生多少尊前恨。未到潘年鬢已皤。

眼前璧月照瓊枝。剪斷牢愁進一卮。記得風流江左字。破瓜時。節酷裁詩。

寒棕

殘日東風雪半庭。薄寒輕醉幾時醒。連宵燭下聞裁勝。何處花前。遇踏青。染袖不
拚香漫滅。移一作燈長憶影。娉婷愁心。只有吳歛覺。更向玲瓏仔細聽。

歲晏無聊別緒盈。一枝梅萼寄卿卿。浣紗衫袖年年溼。碧玉梳奩事事清。調態幾
曾因病減。鮮妍多是稱情生。自憐身世淒涼足。單占名花第一名。

咏舊

玉杵擎將蜀道行。不辭辛苦為雲英。當年只覺成都近。未稱瓊漿一飲情。

櫟園姨翁坐上預聽名歌并觀二劍即事呈咏

風流領袖詞壇伯。早歲傾家耽結客。肝膽男兒四海空。卻隨長黛操歌拍。烈士從

來定賞音。周郎顧曲况郎琴。誰知唐勒牢騷况。剩托一作對清謳寫壯心。蕭疎襟寄

嫌華屋。別向林塘選幽築。摩詰軒牕儼畫圖。一作臺端安昌簾幕傳絲竹。練色知

聲第一流。檀痕親指教伊州。呼來絳樹皆瓊樹。倚遍笙樓即鏡樓。臨川麗曲才人

賦。慧業情鍾兼妙悟。妖唱能傳作者心。圓喉脆節如絲度。隻字悠揚刻漏移。四筵

傾耳盡支頤紅塵卷霧雙鸞出繡一作帶巡一作風一燕吹歌酣一作酒熱來孤

憤畫鼓泚泚金石韻奮袂低昂雪腕催滿堂掩江燈生暈濁酒何人識信陵感時

悲傷一作事緒填膺飲醇長一作為夜非荒晏映柱一作摩挲六尺水丈夫意概矜

然諾不惜如花換干莫自是荆卿俠氣深非關石尉歡情薄座隅有客百愁盈更

倚雲和嘯一聲試問清狂能酷似也應知是謝家甥

題徐雲閑故姬遺照

未許一作把丹青浣玉一作素顏天然標格小梅邊由來絕色多難老為要情人一作贏得

遺盡可憐

藥房展玩水沉熏想得真真夜靜聞不負芳盟同一作皎日願隨幽夢逐閑雲

丁卯年

客中寄菽仲即用端己馬歌韻

何處游踪好寄音感君垂問敢沉吟幾時一放山陰棹空谷足聲快不禁

卜築幽巖怕俗侵尚通朋好不求深孤踪只與君知道為戒妻孥莫浪尋

丁卯首春余辭家薄遊端己首唱驪歌情詞凄宕征途吟諷依韻和之并寄

呈敦仲以志同嘆

幾夜猖狂別恨侵踏歌相送最情深明朝獨醉黃節后更有何人把燭尋余與端

每經日不面夜必把燭相就幸以為常

知君心賞寄燈樓起月追尋到曉籌應恨狂朋一作惆悵漂泊去明朝誰問一作不能同看

拾釵遊余以人日出門端已欲留余至燈後竟以他迫不果一首句一作年年心事在燈樓

感君同病更知音許把閑情次第吟別去向誰吟一字縱無離恨也一作釀成難

禁端已詩云夙昔情歡為賞音幾仲云相選漫許作知音余三人交誼可知矣

翹首南雲一作東風一雁翔魂無書問到池隍鄉園事事驅一作人出只有朋歡係客

腸

薄倖江南杜牧之花前落魄醉難支阻風中酒誰相伴賴有韋莊一卷詩端已詩冊在余

行篋中韋莊亦字端已故云見說江湖不歸事回風中酒過年年杜牧之詩也却愛紫復情調逸阻風中酒過年年韋端已詩也實余目前真景

用前韻吟寄所思末一章代為答

纔說休悲淚已侵暖言相慰恨還深只消一刻含愁態值得蕭郎到死尋後二句一作休

論笑眼生花處片刻愁容也醉心

此生不負會真樓。須占看花第一籌。只是一作眼前難。誓一作誓。去一作也。可一作知。
非是薄情遊。

為感臨岐囑咐音。客中從此戒愁吟。離懷已一作是難支。遣更戒愁吟。愈不禁。

東遊無路且南翔。時河梁。擲下空船繫淺隍。曾共幾宵秋水泛。一逢佳月一迎腸。

憑將書問答微之。瘦減容光自我支。衣上燭痕猶未洗。是儂踪跡是郎詩。

又

憑將書尺答微之。愁至春深漸不知。長日臥多宵不寐。一回情到展君詩。

行過毘陵唐雲客。諸人各賡前韻。見贈把酒臨岐。勉以壯夫之事。豪篇麗句。

遂滿行箱。醉誦醒吟。忘其寥落。輒私賦一章。

五疊悲歌慰寂寥。感君情煖勝綈袍。忽驚郭璞貽明錦。那羨王禛得佩刀。客路山

形同一作劍鐔。坐中心事似波濤。此生擬一酬知遇。敢向秋風泣二毛。雲客有不許秋風歎

做表之句 故答之

雲客有燈詞十絕句。命余屬和。因追憶金沙風物。聊寫一二。以碎狹之才賦。

荒寒之景。真覺酸風拂人矣。

水部池臺倚暮霞。迴廊燈影也堪誇。遊人不愛蕭疎景，只說城南太宰家。
翔風纖弱綠珠長。十隊聯行避月光。總為叢來看不細，枉教狂眼一時忙。
琉璃珠絡翠堂懸。遍簇紅梅與白蓮。漸近四更膏燭盡，南廊猶剩一燈然。
令宰風流踏月觀。紫衫烏帽酒顏丹。樓頭不識官員貴，也當元宵景物看。
工緻清新說鈕家。能翻名畫不爭差。就中一幅臨元宰，流水孤邨數點鴉。
石園新構水邊亭。映竹當城面面青。曾被踏青人記取，幾番燈影約牛星。
輕風吹鬢露華涼。臨去添衣又進房。自愛畫橋清月好，暫游一作元不為燈光
攬鏡重勻襯臉霞。且將風景對人誇。隣姬笑指鉞頭看，落卻垂枝幾一作穉
城南蕭寺古池水。愛月遊人到未曾。有客近從梅里至，紅毬雙送佛前燈。
同伴催歸意未能。清霜冷一作寒透薄羅層。從教月墜一作落燈光少一作收盡。本為開行
一作看不為一作燈人

六松咏

無可姨翁韻寄烟霞嗜。耽松石丁卯春雪中手植六松于庭。劇自幽崖選
其奇秀。遂使軒牕宛若巖阿院落。居然物外臥遊而快之時。座客各陳詩

余亦題贈二首

看竹裁桃事已慵尚餘幽賞愛松風登樓爽籟陶弘景畫壁蒼烟陸士龍俯視春
妍終歷落飽嘗水雪倍青蔥奇姿合作高人伴日日苔階卓瘦筇

飛蓋疎條秀十尋月廊燈沼接輕陰霜暄翠粒洪屋飯風裊微音叔夜琴入戶尚
舉雲外勢逢時不換歲寒心只應白鶴安巢穩長見騷人跪石吟

喚若欣
有托云

客懷

布帆東下月茫茫春晝初長夜更長懷袖不迷前歲字減衣猶戀隔年香燈殘獨
印聞鶉鳩酒盡從誰典鷓鴣珍重暮雲歸去雁為傳音問與蕭娘

滿江紅詞二首

春雨霽霽正狼籍落花堪哭無聊賴客牕滋味幾宵殘燭眼底乍拋人一箇眉尖
塵上愁平斛問斷腸詞為阿誰吟樓東玉 銀屏後闌干曲偎素臉一作類叩囑
愛明眸秋剪翠蛾嬌感福薄若無歡笑分病身甘一作守孤單宿望天公鑒念一
心人成金屋

眼角相勾誰道有這場拋散怕向那定情簾下訴愁
牕畔幾度卸妝垂手望無端
夢覺低聲喚猛思量此際正天涯啼珠澱
欲寄語加餐飯難囑付魚和雁隔雲
山牽挽寸心如線善病每逢春月臥長愁多向花前嘆
况如今憔悴去儂邊何曾
慣

感遇

心中覓得掌中擎肯向閑叢浪寄情
偶折梅花相伴醉此心猶覺負卿卿
一顧難酬暗有期自抽心繭報心知
擘肌為紙肝為墨尚訝吟成鬢未絲

病春

櫻桃花盡雨霏霏慢炷沉香熨夾衣
誰見靚粧臨畫檻自耽嬌病掩紅扉
燭輝坐久餘三寸帶眼愁來減一圍
為報春時最相恨莫淹歸計等薔薇

丹誠

花遶迴廊曲遶梁暗中偏認杜蘭香
登樓未定銀翹顛避燭難禁鳳簾狂
怕見月痕催月姊恰宜秋色照
一作對秋娘持裙一作半刻留仙住
纔隔紅簾便渺茫

病晤

綺閣添香第一班。病來乞得半春閑。欲教宋玉聞消息。先倩雲翹覓往還。畫扇故遮歡後眼。紅梳元插舊一作時鬟。前堂幾日傳呼喚。為看愁蛾莫待刪。

丁卯春夏余離居芙蓉湖外久闕丁娘之索屢勤徐淑之遺觸緒縈思每物

成咏歸舟追錄一過聊代晤言置袖十年定不漫滅

蠶房初試碧旗新。私餉天涯病渴人。想得雙文梨樹畔。雪甌斜倚獨含顰。古茶

靈妃下士偶相憐。卻攜元霜與駐年。想得雙文心愛好。願一作郎風貌只一作如前。右藥

前右藥

博山曾共幾摩挲。犀合遙分一柵多。想得雙文深意在。最宜人處是溫和。右沉水

情多天付與單檣。長是愁眠不解觴。想得雙文也同病。故裁輕袂與相宜。右袷衣

一方如水萬千絲。魚子紅編燕尾綫。想得雙文暗裁剪。乍拈還放避人時。右珮巾

龍涎石葉各氤氳。爭及歡來體自芬。想得雙文載攜手。語香花氣一時聞。右雜香

紅牕煖語篆烟長。撥火金釵事莫忙。想得雙文羨雙箸。一生同守博山香。右銅箸

葡萄亂漬懊難時。嫩膜初褫似刻脂。想得雙文勞素手。銀彊光動玉參差。右果仁

翹塵羅剪麝塵封。澹紫殷紅疊幾重。想得雙文曾一作針插髻。夢回攬枕墜香濃。右玳

戲拈小筆畫輕紗一對鴛鴦宿浪花想得雙文惜鶯散故描荷葉與低遮右畫袋
鴛鴦鮮瑩玉為跂子晉綸巾雅稱無想得雙文斜掩斂月明難辨雪肌膚右白羽
平生未學衛夫人此日題封一字新想得雙文初弄筆似濃如淡不曾勻右封字

客舍讀諷賦為馮友作在澄江身院之南

看畫樓開繡幕寒謝娥風貌一作面露媽然兒鞋意緒無人見覽鏡心情只自憐空

院乍來渾膽一作怯曲闌一作屏偷凭覺髮偏一作偷愁不成眠那知上客調餞甚咏遍一

作微橫陳積雪第一作篇

喜行人至代作

當時曾悔與金鞭此日迎門一笑媽雖是黃塵滿衣帽可人風格自飄然

夜逢

花氣依微露氣濃窄衫輕鬢夜堂逢纔看隱笑添雙靨旋見凝愁壓一作雨峰前

院過來燈掩映斜門歸去選裳章歡一作後期已訂休相送只過一作到池南第四松

夕秀詞

尺六腰肢上掌擎簞錢年紀占歌名調笙恰喜銅簧脆掃黛惟憐蠟帶輕羞出畫

屏推阿姊笑。郭羅扇。麈尾狂生。可能警攏。欽染後。還向傍一作迷藏舊處行。

曉院

鏡裏朝花分外明。兩看愁翠畫難成。琉璃匣畔初拈筆。鸚鵡籠前乍合笙。女伴那知當面笑。檀郎偏認隔簾聲。憑誰寄一作囑向錦魂道。風日關干慢出行。

微詞

繡牀移近曲屏西。道是空梁落燕泥。願我有懷留半面。見人無計隱殘啼。含桃乍許鶯知味。瓊樹終教鳳穩栖。纔動眼波心便會。莫勞重寄綵牋題。

懊離

東歸無奈又從西。幾日情踪雜笑啼。佳約每將愁竝到。良辰多與事難齊。書來蓬島防鸞誤。門隔桃溪怕蝶迷。惟有半衾餘煖在。斷腸留得伴單棲。

紀事

月到西南倍可憐。照人雙笑影娟娟。擎來始一作乍信雲非夢。抱定還疑玉是烟。忍把狂歡消此夜。難將辛苦答一作訴從前。由來半刻一作幽晤。千金值。只得如花一瞥然。

宮詞

歌雲笑電滿三千較似愁眉第一妍。合德房櫳開曉雪。麗華軒檻倚秋烟。奇香百
盪湯泉試佳果同心。一作驛騎傳不是慧心爭解妒散衣遙望也。即一作潛然。

即事戲書閑話 九首在後

水沉薰徹藕絲衫。寒映蠟蟬碧玉絨。行向中庭。一作畫欄風日好。鬢叢花片蝶飛銜。

曉晤

睡聞呼喚尚朦朧。枕浪紋侵玉頰紅。香獸半銷金熨斗。陽鳥初射石屏風。也知蝶
夢殷勤覓。且喜狐蹤曲折通。但許與歡清晝伴。不妨聊坐壁衣中。

客中得訊

憶一作自殘啼隔畫屏。客程鶯語似丁寧。歡新可惜春期阻。夢好那堪子夜醒。傳
去微詞猜薄倖。寄來清淚慰飄零。開函喜見翩翩字。知習琴心內景經。

寒詞

昔年同社為秋詞。今成往事離居多。感歲晏不聊觸緒。生吟冰霜滿月凜。
尖風之透骨。感皎月之映心。多因夢後之思。添出酒邊之句。聊作秋聲韶。

續以為春咏前驅命日寒詞得一十六首

從來國色玉光寒。晝視常疑月下看。况復此宵兼雪月。白衣裳。凭赤闌干。

吳綾拂體也。生痕初用輕紗。別樣温半舊。欲更心未忍。乍裁時節最承恩。

霜晨短景本無多。不奈紫腸此事何。辨得歡前行一遍。回踪已是暮鴉過。

雪壓紅樓照座明。旋添香獸煖銀笙。玉人相顧時時笑。喜聽冰條落砌聲。

嬌病生憎酒氣烘。尊前一作畫筵長捧玉盃空。無端阿姊詢閑事。盃得羞紅似醉紅。

水沉清妙不生烟。獸焰微烘白玉錢。終是護花心意切。倩郎移過一作鏡邊。花瓶

畏香故嫌相逼

夜迢迢更路迢迢。澹月飄燈自過橋。想得阿嬌燃燭待。也應初換第三條。

弱骨柔肌屬體時。相偎難許一作忍半衾離。如何一作苦為買得春休到。只有一作最愛寒宵。

與意宜三四又作寒宵最是宜人處遮莫春風到被池

家常愛著白生一作輕綃。纖弱難勝一束條。忽覺眼前顏色換。檀郎生印是明朝。

牕油映日滿樓明。雪豔初臨曉鏡清。良久自看還獨笑。不防身畔立卿卿。

斜門通處偶然來。軒右紅梅昨夜開。聊折一枝簪髻去。明朝分送綠牕栽。

簇坐熏篝近玉牕。悄無聲影斷。隣厖可知。畫盡銷魂字。金箸爐前倚。一雙
竝帶雙柑贈。絳仙微酸。隱忍帶嬌妍。合歡心事。相闕處。欲剖難。拚幾度。憐
娟娟。霜月上梅枝。正是明醪。執酒時。為有辟寒香。玉在不能。酪酏過三卮。
弱質何曾避曉風。清霜留下去時踪。箇人真與梅花似。一日幽香冷處。纒
羅巾。書滿歲寒詞。小字紅鈐付所知。水雪心腸。水雪貌。年年相對插梅時。

從改第六首

玉膩綿香細骨軀。暖相偎處恰愁吁。嬌癡怕對春風換。不似寒宵。皓念奴

閑事雜題

閑翻繡譜與睡相。深纈葡萄淺瑞香。何母慣嗔交頸鳥。只插雙蝶過秋棠。

水沉重徹藕絲衫。明一作寒映螭蟬碧玉絨。行出畫闌風日好。髻叢花片蝶飛銜。

掠鬢初齊側眼看。紅綿新拭鏡光寒。斜迴雪頸些些見。具齒留痕恰惱歡。

拾得殘紅一作紅。成有幾一作數。行瘦斜書勢似蕭郎。莫教漏泄闌心事。一作箇中底 語留教看。 貯

向裙前。瑟瑟囊。

愛染朱絲約髻心。退紅嫌淺絳嫌深。通犀插久銷光彩。更遣尋求蜜蠟金。

無端屑麝襯鞋池南都此問道攜來與何誰笑殺冷城遊冶客平生不見十香詞十香

詞載楚椒錄中有誰將援白玉雕出軟鈎香餘詞九章皆言體自香也

莫愁擎著鳳凰離秀髮明眸粉玉搓低笑喚卿親切看何侯姿貌似誰多

偶向燈前製錦鞋半牕梅影下瑤階良宵不厭熏香坐為聽蕭郎讀紫欵

丰神宜笑韻宜嗔隨意梳頭態更真流品自知應一作自信第一不勞尋見尹夫人

友人招集不赴

為感靡蕪曲無心賦錦鞋憐香留故枕祝夢掩空齋酒畔紅酥手纓邊翠羽一作前白

燕釵暫堪同一醉幽恨幾時排

京口不寐作

行役暮江邊寒袍未貯綿燈殘聊假寐酒薄不成眠霜氣嚴侵被水聲勁刺船平

生惆悵事俱到一作四更前

寓夜

擊柝江城夜登牀倦卸衣鼠翻書葉響蟲逗燭花飛匣劍陪孤憤歌弦雜怨誹橋

南新貴客嘶馬燈一作火夜深歸

妓有幽怨抱疴強對客者悲而賦之

臥客朝醒正未醒寒粧先罷影伶俜香侵病肺常嘆息歌會愁心暫喜聽愛把遠書看疊疊記將幽夢說慳慳分明蠟燭身相似纔上歡筵淚已零

卽席代妓贈友赴試春官

不解為歡未是才情交總自慙心開憑君會寫蛾眉手穩奪南宮第一來
祝願郎腰玉帶圍臨岐誤問幾時歸男兒意氣宜豪舉也似儂愁淚滿衣

京口雪


征衫愁點雪霏霏兩換歸期又未歸卻羨身輕如柳絮因風還近傍一作謝娘飛

雪後郡樓曉望

栖禽迷路卻飛還翳水連雲一望間更上郡樓西北看查山今日是雪山

歲除日卽事

浮塵擾擾一身閑獨看城南雪後山卻笑孤鴻也辛苦曉雲飛出暮雲還
典衣沽得看山盃一醉聊為避債臺慙愧青楓根下客爺娘猶送紙錢來



疑雨集卷二

金壇王彥泓次回著

戊辰年

病婦

十載同愁一笑稀。艱難典盡嫁時衣。秦嘉浪跡猶分餉，蘇季空歸也下機。辛苦不曾因病減，形模全覺隔年非。相看一刻心俱碎。一作腸悔殺從前幾事違。

索笑

索笑追歡意不窮。風流日日事重重。人間花草真堪愛，遇著春風盡向東。

新歲竹枝詞

吟魂易放早春天。風物江南倍可憐。底事蘭成能作賦，感懷偏在戊辰年。
春朝歲旦古難并。十九年來見雨巡。記得簪錢時未遠，對門除夕看迎春。
舊家姑姊別經年。歲月圍爐剖橘筵。侍女卻防歡喜炭，笑花飛上畫裙緣。
明歡媚闕互經過。背後綾紋刺幾何。邂逅肩輿不相問，奚奴私說客名多。
開行坊曲看春聯。暗露嬋娟屈戌邊。小戶豈曾窺邸報，也隨人寫太平年。

是歲崇禎元年

新天子更化朝野
欣然有再生之喜

蔣侯旌騎出西邨姊妹同看倚戟門
笑恨芳香吳望子不留冰玉永承恩
休寧藥炮舊知名俊健游郎滿路擎
一炷桂香渾未了手中拋過百千聲
道北賓筵夕夕張也呼朋社一猖狂
怪來羅列珍羞甚人日曾扳水部郎
莫怪河豚價不廉橋南酌過五千錢
誰知太宰歸田日一作後只與屠沽意氣鮮
佛閣前頭照水梅半晴天氣暖催開
嬌憨小妹驚春見一日來扳四五回
多少藍衫聚邑門提燈捧盒酒盈尊
須臾香點紅單出箇箇僉名有沐恩
盼得一作望燈興起踏歌縣門無榜奈愁何
可知巷陌蕭條夜成一作圓就歡期事轉多

筆牀硯匣本長閑每到新年說掩關
賓友到門俱謝卻夜來相遇看鼇山

和孝儀看燈詞十二首

簾外晴陰幾遍探侍兒猶恐意難堪
雖然殘雪消還有且喜今朝尚十三

燈街試走一作初出斷紅聲
新嫁橋南第幾晨夫婿卻扶佯
不要一回低媚一回喚

青油車子過斜陽風颺湘簾出畫裳
曾在石家筵上見是一作阿誰香氣試猜詳

步向庭梅遠幾巡莫愁家月倍堪珍何須更看花燈去若箇燈人似箇人

京師呼燈山美

人為燈人兒皆剪綵及通草為之鮮妍淨潔流動如生

欲換明珠自忖量莫教難認暗衣裳忽然省得鍾情句不辨花叢卻辨香

小玉飛瓊動靜俱幾回當面笑愁吁眼波一作眉梢第一防他覺不審狂郎解得無

暗風相約宋牆東一寸靈心兩處同南去北來多邂逅忽然俱在寺門中

風透珠燈蠟淚流隔街笙鼓送人愁一作憐心似清霄月皎潔隨郎處處遊

舊曲厭來不耐聽竹棚花火太因仍新春小院添春意一作新歡新歲多新意刮骨鹽聲蛤

月燈

為把傾城再拜邀一生拚盡在今宵自從相見春朝後病骨還知剩幾朝

尋常聲影限中門密笑微香攪夢魂此夕上一試一作燈兼帖勝一斷一作時同得到一作

任西軒

丹誠默向紫姑陳可得心期遂此春凌谷滄桑終日事不堪長作意中心

又雜題上元竹枝詞

繡佛前頭結好因上元香火肅凌晨懸幡一色燈籠錦名氏親書善女人

風雨元宵意倍傷。繡牕一作畫檐低拜掃晴娘。若教掃得天邊雨。為掃離人淚兩行。

腰身十七正嬌慵。珠鳳鞋幫一捻紅。不奈小橋春路滑。阿娘扶過石關東。

瓦圻龜文一例看。斷橫連豎有悲歡。一聲脆響籠燈看。暫作排愁事一端。

白穀單衫絕點埃。經年皎潔似初裁。何須更取園蔬識。偶起同袍一摘來。

夜筵花果遠香爐。心事年年問紫姑。燈後踏青挑菜起。不知堪會那人無。

婦病憂絕

樂餌無徵怪夢頻。漫將一作勞牲玉禱明神。嶮骨出羶眠坐細。碎心煩易人聲次回自讀

此如喜。嗔爭一作不奈睡。眸開徹夜可堪肝。病苦一作中逢春繁華白日重。門掩遠榻啼

痕滿六親

臂顫難擎漱。一盃羸形扶起望。庭梅花當病眼偏。生好雨起傷心。特地催口味。斷

來單剩藥。愿一作心香醇罷更無財。窮途無計一作底事堪娛汝。聊折瓶花一兩栽。

呈外父時婦病方苦

王郎才地本凡庸。愛女憐才感謝公。羯末許陪狂爛慢。雲英教捧醉朦朧。肯令癡

恚隨中婦喜。見嬌離似外翁。共遠病人連夜坐。最傷心處此心同。

述婦病懷

琉璃調藥自看煎。盡日松濤小榻邊。慵喚侍兒憑響板。鸚哥傳出翠簾前。

悶拈葉子強尋歡。自覺雙銀約指寬。阿母無聊聽卜命。脫將跳脫龜人看。

消渴還愁一作骨亦消。玩水銜玉總無憐。春來發盡如泉淚。病肺除非引淚澆。

文茵龍腦睡來一作水沉隔座臥猶聞。嬾著前春染麝麝。誰識病來顛倒想。愛香人却怕香

熏。

瘦質渾成笋。一笑隔衾猶自見。一作骨嶺岼平生守禮多。謙畏不受荀郎賦。體寒

難憑銀葉鎮心驚。侍女牀前不敢行。無奈藥爐初欲沸。夢中已作殷雷聲。

一勺清漿價一金。駐顏難恃紫團參。頭花臂釧看看盡。賣到當年結髮簪。

嬌癡穉女最關情。新讀毛詩一半生。忍死看他成長去。喘絲親誨兩三聲。

湯藥親嘗子婦訪。雲泥懸絕事堪哀。自知病骨輕如草。莫望尚書嫁如來。

更無兄妹與差肩。辜負劬勞何母憐。囑向一作薄情狂壻道。為加恭敬倍從前。

謝絕妖巫罷禱祈。不將性命媚神靈。刻肌冤苦傷心痛。病者年來細得知。

前路無涯愛有涯。一心趨向妙蓮花。眼前眷屬休悲戀。九品同生也一家。

無題

眉萼慵描出內稀。試晴風日浣羅衣。雪融香跡重臺榭。春減裙腰尺六圍。隨意梳
勻都韻事。不形顰笑總沉幾。無端午睡醒來晚。驚認殘陽作曙暉。

花下

未必春工一夕移。杏花清減夜來姿。可知顏色歸人處。正在紅消欲白時。

旦旦

一寸丹誠皎日同。薄情猶自認朦朧。無由披膈教君郎一作見。想殺秦宮照膽銅。

晴日借同人有見

風暄日冷正佳辰。綠淨園南韭葉春。狂社乍聞浮白手。巖閨初放踏青人。故伴一作

嗔平視。遮生客。暗記微詞識近鄰。臨去更憐低樹好。遶枝閒看兩三巡。

踏春詞借雲客孝先韜仲作

女伴相呼早春寒。嬾下牀檀郎侍梳洗。阿母簡衣裳。愛影頻看鏡。迴身暫進房。偶

因裙帶換。忘卻紫羅囊。

何必花堪賞。平蕪綠可憐。香輪逢鄭旦。金彈逐韓嫣。船近桃根泊。裙來柳下漣。自

緣愁緒亂風景惡相牽

小徑橫斜去經過綠水園園下勞指點鄰女喜寒暄薄雪凝陰榭低枝一作壓短

垣同行莫攀折贏得糝衣繁

何處堪攜手南塘碧樹邊有心同皎日無膽似非煙暗影烏龍覺乖音鴉鳥傳勿
勿揀不盡當面付紅箋

嬌豔松根哭重泉聽得無野風吹綺袂墳草幾啼珠出郭初迷路回房定向隅傷
心螻蟻穴命薄不前驅

畫壁前朝寺陰森夾迳松偶來雙騎白時度一衫紅脫釧供香像懸旛繡毒龍那
堪歌舞席近在講堂東

風日薰南浦魂消瑟瑟波被留青翰宿香待博山過幽意春前積佳遊水上多從
來悲喜併牛女在明河

鴻鵠斜飛處雲陰日半塘漁郎歌倚棹蠶妾笑提一作携篋鬢溼簪花露裙油鬪草
香同行暫猶好歸路莫嫌長

卸卻吳綾重寬衫奈瘦何偶隨啼鳥聽一作遠竟踏落花過瑪瑙春雲寺胭脂夕照

坡畫船何處去。煙外響吳歌。

鎖鑰嚴城早。難拚是夕。一作暉水心初漱漱。樓角更依依。踴躍爭先入。胡琴落後

歸不妨。南市過。月下獨來稀。

拾天寶事

忍笑凝顰倚唾壺。筍香萸嫩捧芙蓉。櫻桃樹下鸚哥啼。一幅楊妃病齒圖。唐人有此圖見

宣和畫苑

蠶眠金字跡。輝煌盥手臨池細。炷一作香誰令女人偏好善。有情皇帝李三郎。

箇人之一

銅尊花露玉爐烟。長見飛瓊侍曉筵。覺我欲前微掩斂。避人佯退定。遷延無聊脫。鋪紅箱畔特地兒。鞋碧檻邊喜殺。未曾梳洗在翠鬟。鬆壓睡容鮮。

追憶

萬疊傷心露淺顰。唇朱欲動更逡巡。休論笑眼生花處。一段愁光晚殺人。

代贈

絳樹休嗟結子遲。惜花人更惜空枝。紫薇得到重來日。宛是深紅未落時。

悲遣十三章

神傷不哭。媿前賢。虛讀南華。十八篇。曾有達人難達處。風刀將斷喘絲懸。

青腫枯澀。漸無光。猶自瞢騰。覓阿娘。苦是舌根開強後。模糊一作朦朧言句費猜詳。此

惟外父與子及兩兒女在榻前耳手苟非入目刺心亦安能懸寫至此

兒擎婢捧藉。重裊半轉。孱軀萬苦辛。若使有靈還負痛。泉途扶侍托何人。

尋常痛楚苦呻吟。戶外遙聞便刺心。今日進房都寂寂。不堪仍向舊牀尋。

尸堂揭白寫形模。幾遍端相未是他。欲倩畫工追笑靨。可堪連歲泣時多。亦吾兒有此語

半月前還弄剪刀。刺拋金線幾多條。病中改出裙花樣。為向靈筵掛幾朝。

影堂燈火碧熒熒。消息都無去杳冥。曾是向來行立處。紙錢灰燼滿中庭。

悼亡非為愛緣牽。儼敬如賓近十年。踈闊較多歡洽少。倍添今日淚綿綿。

為是妻言故未聽。勞將麴藥戒劉伶。今來醉也無人管。一度持觴一涕零。

醉時感慨一作慟醒來悶一作茫然貧用奔波病卻眠。白日無聊更無暇。黃昏獨到總帷前。

孟蘭香食散河津。曾看蓮燈出水新。誰道滄桑一年事。施燈人作受燈人。邑中檀信于中

元節作孟蘭盆會婦亦每捨微貲河燈千朵燦爛中流
曾一寓目今于終七之期將設此燈追感昔遊可勝悽惻

幢幡收卷散花場燒罷人間七七香淨土天宮隨意住可知塵世獨淒涼
先行幾步諒無多究竟同歸此逝波我已自知生趣短暫停相待卻如何

過婦家有感

謝家重見縞衣郎羣婢相看掩淚光特送傷心小甥如遠身啼喚覓姨娘

歸寧去日淚痕濃鎖卻粧樓第一重空剩一行遺墨在丙寅十月十日王卦

婦以丙寅六月

歸寧十月返舍以望後三日為慈人生日也所居一閣外母虛以待其再至而遺疾日深在再不起今雙扉宛然手封猶在傷哉

雜悲三首

舊碧羅衾舊茜衣藥痕和淚徧淋漓開箱瞥見心如擣似見攢眉恐痛時

檢得殘遺一作殘兩幅餘為將醫藥一作去日餉離居自言臂顫難成字特為闕心加

疾書

淚寒鰓枕月來遲記得前秋作伴一作時痛劇夜分常隱一作疾痛恐愁聲一作呻吟

不令醉人知

記永訣時語四首 俱出亡者口中聊為諧叙成句耳

病眠常自斷炊烟曠廢頻繫十二年侍奉姑嫜多闕略敢勞捐賜飯含錢

白苧秋衫自紡成十年夢警嫁時荆媿因買藥金珠盡浪負人間俠女名

余內家素豪俊

而婦實儉約居恒布衣十年不製病革之日篋無金珠惟典券數十紙皆頻年藥債及女伴戚屬因乏者所移費耳內外尊人咸咎其靡費及好施而自窘乏婦心寬之于永訣時自白一

二語實不能達意也
命娘茶食福難消只剩靈筵一椀澆心性自甘貧薄慣不煩頻送紙錢燒

三年侍疾不辭勤藥碗爐熏仗阿雲妻名見北史訣別贈言唯自愛開箱留賜一拖裙

重遺三首

手調薑橘奠夫文曾向秋燈讀與君今日是夫先設奠一盃新茗薦青芹

劉令嫺奠夫徐

敬業文敬遵先嗜手調薑橘余婦病消渴日引茗數十盃垂歿思芹竟不可得亡後六日而新茗至矣

想像幽魂萬一臨鑪烟風定酒三斟生前惜不加餐飯病壓愁侵直到今

典君釵珥換香焚賣我琴書為買墳愁事促人朝夕去

一作旦莫此

更憂一作荒

略不如君

午節外母仍賜一緜泣然賦謝

念我無衣節既添感懷惟有淚痕淹羸形者慣當年素虛賜精工一匹緜

重過婦家

未嫁年時一架書。年年秋曝滿庭除。如今總怕添悲淚。鎖向空樓任蠹魚。
尊姑相送石屏南。悼死嗟生兩不堪。揮淚萬千叮囑遍。只教珍重視遺男。

禮稱婦母為姑

吳行舟中漫興

率爾東遊不裹糧。斜風灑雨遍船涼。都無長物惟存硯。淨掃閑心剩愛香。

十載索居成癖癖。一生多累為柔腸。歡筵到處興悲感。羞聽狂時舊樂章。

睡足空船夕照黃。水程三日酒為糧。招讒宋玉因詞貌。助嬾嵇康是老莊。好友僅

能一作堪同筆硯。美人難與共盃觴。醉偕俗客無聊甚。聊當長歌哭幾場。

半塘遇邑人莊斂之同遊虎丘山後方舟抵錫山獲汲而歸

幾拍歌聲在一作清歌駐。半塘感君同載不嫌狂。里中可語人偏少。世上無情事卻

忙予里中人百許聚吳二樹石那知山後好遊人幸至前。茶泉端愛雨前香至惠山適雨後

泉濁待之良久方清。惠施欣與一作喜共莊生對一作語。不覺元言送日一作歸路長

余有湖濱舊寓將往寄迹友人陳旅食之難勗以歸計口占答之

無聊身世一作踪跡寄扁舟。感媿良朋阻浪遊。休替行人憂桂玉。在家愁似客中愁。

薄暮獨吟

烟堦搔首晚天青。夕照墻根寫瘦形。逝者命同風剪燭。憐人心碎雨淋鈴。酒鎔近日都調藥。歌婢新來與誦經。明月滿城簫鼓夜。閉門愁絕臥空庭。

盛陳法會夜張燈火簫鼓鏗沸雖靜坊曲巷士女聯肩余獨以悼亡不出

仲父水部公世母焦孺人余妻賀氏相繼奄逝七月之望同諸父昆弟設薦

孟蘭盆道場即事樓感因申慧命用遣悲懷

兩月三喪哭不乾。雁行相對雪衣冠。紅燈照渡同千盞。翠竹揚旛各一竿。幾處舊家都劫影。一叢新鬼整盤桓。他生未必重相認。但悟無生了不難。

箇人合前一章共十三首

覓箇柔鄉寄此生。風流天付與卿卿。直教骨眼能傳語。可待詩篇為定情。雙臉斷紅初卻坐。亂頭粗服總傾城。高情不喜鉛華御。未是全防妬眼驚。

命薄難將一願酬。霎時知遇半生愁。吞針羅什非難事。抱柱微生是本謀。天上會須驚牒下人間。莫遣燭媒求我花徑路。

一作慧從來窄燕妬鶯猜。一作卒未休。

愁帶無慘慘。翠蛾風波時刻淚痕多。旁撓歡計人人險。飛語情悰事事訕。狂眼固

難辭竊鐵吹毛原不怨投梭愁真笑強終難諱不覺人前喚奈何

隔院香來是水沈藥房深靜恆幽尋裙裾拂砌花滿鏡檻當窗和葉陰謝女塵

談林下氣蕭娘鍼繡佛前心幽奇不是人間世一滴瓊漿直萬金呂溫有藥師如來繡像讚序云

蘭陵蕭氏所繡也

悵恨清光不共遮眼波肌雪正宜秋桐花落處聞開鎖柿葉明時見倚樓幾度扇

遮當面笑可應燈照下帷羞無邊妬眼憎情眼行過簾前莫轉頭

低髻鬆梳出藥房曉風輕透藕絲裳芳姿偶喜擎團扇合德何勞帶異香淚臉溼

侵眉尾翠一作綠睡容消褪額心黃不須水雪為消暑姑射肌膚近自涼

花影幽窗掩獨眠博山清晝起孤煙南朝弱態慙偏好西子愁眉忍更妍來夢草

香懷夕夕一作昔斷腸書字袖年年關干一曲無多地才著思量便渺然

聲影遙聞淚已瀾寒暄都付一長歎承恩有貌非因貌觸緒無歡祇為歡囑妾勉

留顏色在感君能諒笑啼難胡琴學得羞頻弄珍重郎來為一彈

溼淚熒熒眼尾寒髻花低一作歌望嬾重安良期屢被魚牋悞幽悶難憑鵲語寬多

為問津添險阻反因迷路蹙團圓相看只有悲愁分虛被郎呼是所歡

窗白鷓啼又曉鐘幽歡光景易匆匆須防拂袖飄香氣莫慮梳頭減繡工眉鬢尚
貪星下看腰身寧耐午前慵情悰身被人猜料只恐矜持愈不同

月下來過月下歸銀燈照影著秋衣裙腰賸得篝香煖掠鬢仍開面鏡暉花裏送
郎真草草人前見妾真依依鍾情不比閒情樣蹤跡何妨一日稀

古桂幽香曝晚晴玉人風格照秋明恰宜重九當初度喜聽雙文是小名好夢更
微裙帶解私書合用佩囊盛粧成自賞通身影秋水簾前有一泓自實一作微照

昔人詩詞往往用謝娘字相因已久不知其何指也余詩亦偶用之致來唐

勒之疑戲占答客

梔子庭前柳外墻偶然風調入扇章也知散朗多情思敢著微詞惱謝娘唐彦謙庭前佳

樹名梔子賦結同心繪謝娘無名氏柳條金嫩不勝鴉青粉墻頭道蘊家

蘭幽雪白隔東墻何事嫌疑到桂堂風絮清才團扇曲莫應長合屬玉郎

殘粧

睡夕夢花曉未驚又尋幽朵露叢邊牕光映印來侵面衣影翔風欲拍肩豔鬢澤
同新沐便羞顏頰似未笄年殘粧最是難看見綬住梳頭一細憐第七句原作殘粧更較嚴粧好

似為明穩然鄙意不
盡于此故改今句

示狂社諸君效劍南體

狂心難按是今年。花市湖堤早著鞭。笑倩客扶桃葉醉，喜聽人罵柘枝顛。神仙枉

被淨名喚宰相，何妨曲予

一作傳聖代獨能容放蕩，醉侯湯沐不教鐫。今天子更

濫者多所削斥，明旨中往往用鐫字，新麗典貴，赫濯王言。

可嘆

雙牒千金百萬鈔，也須天與畫眉才。能知細膩風光處，恰羨頑癡福分來。浴態豈
宜燃燭看笑顏，空為勉繪開荆王夢境，模糊甚。卻著詞臣仔細猜。

空屋 元微之詩有朝辭空屋去

秋屋凝塵暗，單絃冷風蕭。瑟動靈襟牀，頭刺藥水醫。賣篋底遺香，任婢分痛定。更
思貧婦嘆才荒，猶關真妻文。淒涼欲就魂，筵酌把酒相呼，呼雨紛。

九月初八出門日別婦柩作

此行誰更問歸期，十載窮棲耐別離。脫釧為供賓客醉，寄書不作女兒悲。豪場志
業終遲就病榻，羸姿已莫支。悔不開門同井臼，一生青案對元眉。

泊舟晚興

蓬窗燈火聽秋霖。脫帽搔頭嬾復簪。衰病漸成因酒渴，閒心難斷只書淫。桃根翦燭纖纖手，小玉添香瑟瑟衾。此味近來殘嚼螭，不妨為客自蕭森。
烟林晚泊愜幽心，況有沿堤絡緯音。溪雨送涼來枕簟，餅花橫影到衣襟。燒殘敗葉茶初沸，病倒羸童酒自斟。潘岳遇秋多感慨，不堪重寫悼亡吟。

遺恨

返魂續命亦人謀，踏踏終令誤死休。忍病尚防兒輩覺，耐貧應慮老親憂。參苓價迴多一作難繼，絲絮年凶一作豐亦未一作不周。更有一端一作稍遺恨在一作別不作一作未申禳禱戒一作禪屠牛。

客中苦寒作

更簡家書反覆看，了無人問客邊寒。去年尚有疋羸婦，裏寄裙襦一兩端。客被何人為著綿，敵寒沽酒已無錢。雖然因頻歸猶嬾，未必家園勝客邊。
賓于席上徐霞話舊

重見徐娘未老時，蕙蘭心性玉風姿。不忘杜牧尋春約，虞元靜猶誦元稹記事詩。已端

發時世粧梳濃淡改兒郎情境淺深知棲鸞會上桐花樹俊眼詳看一穩枝

又為賓于道意中語

朝霞和雪蜃窗明的的容輝稱小名瘦燕本來膚肉暖肥環元是骨軀輕語時細
領幽蘭氣曲罷猶疑脆管聲仙質和宜金屋駐綠梅花下著卿卿

爐節江邊燕集

宋時宮掖以十月朔日始設火爐謂之爐節宮中排富甚盛貴游咸晚亦或有燕集于其家院

喚得秋娘渡口船竹西歌吹傍江烟敲斜帽影調鸚夜清脆鈴聲放鑄天香錦煖
烘桃葉袖墨花狂污薛濤牋青舟莫負開爐節繡被濃燠一夕前

短別紀言

隔晨不見便淒淒禁得拋辭一月啼暗想箇人相似慣繡裙時復到屏西

尋常意緒任郎猜肯信全無笑口

一作開今夕客窗孤燭啼取儂情味細嘗來

拖住征衫淚臉俱布帆無奈晚風催誰言暫別休悲愴薄命能消暫幾回
為郎愁絕為郎癡更怕郎愁不遣知叮囑寄書人詭向玉兒歡笑似平時
去信匆匆趁早船奈無鍼指寄郎邊親封幾葉秋茶去好試南泠第一泉
勞生無地不愁嘆酒薄江城客被寒憶是那娘憐愛處天涯猶為強加餐

臨行記得語依依。莫晚盃觴。莫睡遲。幸是不曾消費盡。謹持元棣付還伊。

有謝

釵掛臣冠袖拂衣。尊前元未露微詞。也知一顧情非淺。若在前年詎敢辭。羞向羅敷更贈珠。彥回甘被笑。非夫此身自屬人。勾管不健。今生負得渠。

索居漫書

菊黃時節蟹堪持。誰到蕭齋共酒卮。映戶花開拳幔早。熏衣香慢下牀遲。屏間笑倩人搔背。鏡側閒看婢掃眉。寂寞又添堪賀事。一編抄出劔南詩。

獨酌有懷

酒熱燈明悶又新。同样安得意中人。抽來書傳情都淺。折得瓶梅韻頗真。每如盃觴求好夢。半生詞賦屬傷神。狂歌爛醉更闌後。此意誰人識苦辛。

雨餘路軟有女郎一隊前行鞋踪可玩

知是同家是各家。樣痕端正不多差。分行細整如飛雁。散點輕勻似落花。怕滑更添腰綽約。扶墻時起步。欹斜懸知連臂行。歸晚一路風香笑語譁。

獨居有懷端已茂仲

窮愁端賴客盤桓。妙友難同似所歡。任遠嘯歌猶未廢。風流鋪歎尚堪觀。酬春不
惜淋漓飲。駐月能禁料峭寒。更有一般同病在。狂名隨處一作惹波瀾

記言

寒宵挨暖瘦身林。情語丁寧有百回。更倩檀郎語端的。可君心處為何來。

無題

暖語閑兒令。語挑感卿親。賜與無聊歌筵歇。拍偷回眼花裡。前行細轉腰羅襪。只
教曹植見香囊。留待謝元邀。勞分辟惡來青瑣。尚快人聞未敢燒。

遙見

簾響盈盈下砌磚。迎風衣鬢影翩然。睡中喚起眉梢重。意外逢歡笑靨圓。長印淺
聲看更好。有人深妒見猶憐。懸知青雀朝來過。遞得新花到髻邊。

妄想

晝視如花更灼然。那堪惟許暗中憐。隔窗低語疑為夢。登閣明粧望若仙。薄福儘
消銀燭下。疎狂難到玉臺前。思量卻被歡情誤。花下迷藏憶往年。

再賦個儂

朱戶銅鋪倚碧潭。小樓清絕壓城南。明姿喜向花梢見，幽怨宜來竹下譚。竊藥素娥偏耐冷，司花嬌女半緣慙。仙家合住烟霞外，金屋藏渠也不堪。

料峭新寒快雪晴。紅絲香袂製初成。爐熏那及郎心煖，蠟照偏知妾影清。風雨不磨金石契，黃昏頻候剪刀聲。庭梅開否親來探，又得身前一度行。

狂眼蕭郎愛亂頭。泥人雙照鏡中羞。總聞忽度何人影，壁後難遮好客留。商略僅

完雙鬢樣，端詳

一作相

未竟兩眉脩。無由粧罷還教見，試傍牆東一倚樓。

作計如炊在，劔頭淺嘗滋味透。嘗愁讒唇激浪，稽干尺妒眼成城。遠一周歡態，每來驚處好奇功。端合險時收，閑情定屬英雄事。未許凡才畫一籌。

昨夜香迷畫燭樓。竝頭雙影在銀甌。枕棱墜髻教郎縮，衣鈕零珠倩姊收。酒暈暗騰映玉頰，睡情纔上灩星眸。曉堂重見矜嚴甚，回憶狂歡似夢遊。

經過聲影自沉潛。何意金堂驟有嫌。忍淚笑言終脈脈，低眉羞恨只厭厭。情迷那喚江郎覺，酒政何堪石尉嚴。私幸向來幽寂慣，鎖牕應自耐一作未厭拘籜。

漏泄幽歡異國香。含悽重過暫

一作再

商量。嬌痴迸淚猶遮掩，嗔咽陳詞未細詳。自

信丹誠終不沒，忍言風雨但相望。韓憑死遂雙飛願，羞學偷生說斷腸。

心期舊矣合歡新
燕尾繞嘗味已珍
膽小易驚還易喜
眉彎宜笑更宜顰
未形猜妬思猶淺
肯露嬌嗔愛始真
作許憐伊嘗試看
自慙終近薄情人

為伊零落為伊忙
風雨憂愁一半妨
夢後枕衾懶落月
歸來衣袖糝繁霜
昏作

客伴辭一作推醉白日逢歡痛
忍狂一任茹茶甘
若齊不煩傳詎與蕭娘

瓊枝何必問根芽
織席寒門產麗華
寂寞岩阿輝夜玉
幽荒籬落燦仙葩
雪天宜

主曹同被谿水夷
光舊浣紗一笑會
登歡掌上乘風珠
唾落烟霞

續寒詞

連旬風雨蠟梅邊
去歲今辰插一作簇鬢時特為托一作情人分
竟去城南折得未開

枝

新團獸炭淨無烟
雪壓茶芽雪水煎
一幅畫簾遮不住
鑪香香出一作到角門邊

侍兒簇得滿爐紅
繡袿羅襦徹底烘
欲起怕寒還又臥
再添宮餅在熏籠

今朝且不戴一作戴花冠
非為梳頭怕曉一作扶手
寒最是稱心清
絕事幅巾風度雪中

一作看

紅柑玉手擘初嘗
齏齒微酸感魚長
非為夜闌消酒渴
夢回贏得枕前香

香暖柔夷耐剪乃平安勝字倩一作郎梅未完一對紅如意尚費來宵燭半條
何處辭枝到小樓膽瓶深護替花憂同袍自是一作生風情淺忍折瓶梅更插頭

何夕

幾年無路望容輝一笑尊前淚濺衣惆悵不知今夕是相憐一作中罷阿誰非傳
聞怨句吟千遍試抱愁腰瘦幾圍同出向來盟誓看袖香濃蝕字依稀

破鏡清光又一規眼前人似舊人希畫圖點染玉嬌一作明去書籍飄零祭琰歸烟

徑宛然雙碧樹月痕依舊半紅扉當年光景一作當年語歷歷重尋露滿衣

香風吹至又吹還一搯銀屏萬疊山別院易耽千日悶並房難耐半宵閑頻看昨

夜新圓鏡更贈嬰年舊弄環白晝未堪同笑在隔牕貪聽珮珊珊

檀車輾轉送離鸞雨泣蕭郎路左看帶縛空篋歸去早手提金縷出來難寄書紅

紙饒千幅買路明珠用一簞百計竟將方便在勿辭良夜犯春寒

己巳年

即事

織女機邊月姊過晚香心事定如何畫眉才地兒郎少擁背恩情姊妹多手爪互

憐新舊似腰肢難辨影形訛偶然先占桐花樹願及鴛鴦竊一窠

逋客叔召聽新聲即事呈咏

燭珠紅淚滿銅荷麝火香中一串歌綽約肌膚和雪似娉婷名字喚雲多焙笙月
給千籠炭掃黛晨供十斛螺風味獨教詩客占填詞都到絳脣過

前詩意有未盡更賦一章

高齋絲竹侑元文也許彭宣一度聞江令未能兼傅粉無方只可使持裙奴依頰
士知才藻婢侍康成熟典墳莫學羅敷更羞溫使君今日是夫君

燈夜記言

與郎歡笑隔新年阿姊傳呼聚夜筵羞近市橋燈燭走畫船移傍後門前
飄揚巾帔喜難禁索袖教溫冷臂金笑道去年微雪夜隔街看見到如今
不道同心態也同晚妝俱寫淡脣峰練帶文襪般般似更看雙尖一樣紅
燈前狂眼驟開明頻有同時兩玉人聚社未須三女竝雲端喚出月娥身
嬌弱生來酒怕聞一分嘗罷困氤氳年來勉受蕭郎勸旋轉推排到五分
趙家纖瘦河環肥長較西施短安妃潤玉比人端可念只慙顛倒沈元機

翠娥真箇見郎開赤鳳誰言為姪來莫更向儂拋隱語繡牀羣伴易疑猜
碧篠當門杏壓墻墻陰細徑枕銀塘潛來只許心知覺莫學劉晨帶阮郎
經過坊曲女成羣獨掩金鋪坐憶君滅燭休燈人寢後隔墻猶有笑聲聞
銅綠春衫乍剪裁稱心花樣稱身材迎春過後無心著道與西隣一樣來
病輟梳頭不看春臥聞笳鼓咽城闌懸知戶外蕭郎過著眼簾間浪覓人

燈夕悼感

痛遊無心走月明一編袖坐過三更陸家詩句愁如我也道城南路怕行

亡婦殯城南正

似放翁沈園之恨

城隅草樹響悲風一點紗燈敗殯宮記得昔年烟月下紅蓮雙引到園中
此夕燈前奠棗脩縞衣牽婢下空樓美人粧束燈街走問向靈筵泣不休
椒漿淺注勿盈卮餠梳仍添蜜一匙曾是向來調藥慣意中甘苦只儂知
遺男婚娶最關懷垂死叮嚀尚百回今夜香烟燈影裏可知新婦點茶來
濃熏小像炷牙香步月鄰娃過影堂曾執繡緘稱弟子獨揩清淚兩三行
雲母燈毬施佛前前春買得映牀懸羸妾側臥拳幃賞無分仍看第二年

白山茶插髻甚可觀因書二絕

玉茗先生迥出塵語言無處不清新
瓊花風度釵頭見更覺堂名絕可人
第一人簪第一花風吹花葉霧鬟斜
看來姿韻超天下當得臨川麗句誇

驪歌二疊送韜仲春往秣陵

平居愁絕怕清閑卻到臨歧集百端
別後極知當作惡眼前猶冀一追歡
殷勤舟去迎桃葉慷慨盃關舞蔗竿
從此故人疎筆硯斷腸吟出阿誰看

憐君辜負曉衾寒和暖和香上馬鞍
村落鶯花尋醉易野橋風月減衣難
聯翩好句車中獲澹宕晴山帽側看
傳語冰心顧家婦露葵烹好勸加餐

謂亭亭也

春暮減衣

風泝殘陽雨拂簾晚春衣服減還添
難消素手為縫綻那得閑心問織纈
病肺未能疎酒盞詩腸無奈迎香奩
孤吟贏得無聊在試倩南華下一砵

無緒

繁華白日怯登臨宴坐焚香午院深
中酒心情頻臥起釀花天氣亂晴陰
懷人瞥見難重覓得句隨忘嬾更尋
空寄石榴雙葉子隔簾消息正沉沉

春來無伴與猖狂。書卷聊支白日長。寒盡蕙花猶幾翦。雨前茶葉不多槍。客呈便面題新句。婢掣搔頭撥晚香。偶憶洛神風度逸。粉箋臨得十三行。

偶成

晚晴相喚浣羅衣。惆悵春波沒石磯。忽覺風吹歌笑近。南隣遊女畫船歸。

感事

幽棲不合在墻東。尚有塵喧到耳中。濁酒價低春店滿。邨伶伎盡夜場空。染鬢者艾窺鄰豔。露肺儒酸炫族公。終是貴人能解事。白樓亭院換青紅。

城樓暝望

魚鱗波面夕陽微。旋見遊船續續歸。酒後笙歌催急拍。城根燈火喚開扉。孤楊傍水疑人立。病葉零風似蝶飛。明旦出遊晴得否。月輪添暈幾重圍。

龍山所見

滿山新葉綠初肥。三月羣鶯正亂飛。花片總粘游子屐。藤梢偏罨美人衣。毬塲試馬盤三匝。毳席呼盧坐一圍。莫為酒酣嫌耳熱。垂楊低路逆風歸。

六叔以扇命書

男兒安在有。家為一喝成。盧頗自奇。倒索尚沽。千里骨當爐。猶看遠山骨。嗣宗未許兒。同調武子元。知叔不癡。留取紫羅香。瓶在阿元相。就賭圍碁。

窺處

窺郎眉眼任。郎窺似喜如羞。又怕疑巧笑。正宜花掩映。狂心全被酒。扶持辛勤袖。我三年字。取次酬卿十索詩。遞與玉壺犀。合子阿嫖當面不教知。

和端已韻

鬪茶庭院餵蠶天。薄袖單衫似去年。未接語言當面笑。暫同行空風生綠。狂生易得風流罪。好女難參月上禪。暗地憶人終靦腆。若為呈露向君前。

添助情歡是別離。雪泥花雨壞佳期。釀成消渴那因酒。畫出娉婷賴有詩。浴室笑言樊嫗侍。閨房風格濟尼知。由來心醉傾城處。早在凝顰薄怒時。

遊絲搖曳燕飛翔。漾絮浮花正滿塘。髻樣翻新應愛短。情函道舊不嫌長。離魂路有雲千疊。隔淚人如水一方。最是不堪情味處。殘春時節更殘陽。

又次前韻

寬衫鬆鬢態飛翔。緩踏春莎過柳塘。風惡倍憐宜主瘦。波平誰辨定妃長。烏絲好

贈蠅頭字素面何施獼髓友人去遠猶回望見高樓西角立殘陽

湘靈

戲做曹娥把筆初描花手法未生疎沉吟欲作鴛鴦字羞被郎窺不肯書
玉指新傳小忽雷凌晨已按兩三迴明知阿母嬌憐甚頻喚梳頭不肯來
粧成浴手卸金軀女伴孜孜看不休一樣繡針花剪手怪他偏自會梳頭
看鏡徘徊影自憐關心消息在今年風情領略非容易天付兒身若箇邊
新春初唱想夫憐記袖親鈔在粉箋難字幼年曾讀過班姬書內第三篇

夏日

幽人長夏倦梳頭數紙南華足散愁善舞那如羊叔鶴惡書纔似鄭家牛里地自
不知元亮市女誰教識伯休休問一生穿幾屐臥看圖畫當時遊

澄江客興

匹練江光洗客愁杜康橋畔幾追游吟餘落日過茶館睡美涼風在竹樓違俗詩
文從嫂罵寄人書杞任沈浮鄉園無屋歸心嫩擬借張融岸上舟

紀遇

曾向長陵小市行買花簾下見卿卿嬌嗔不受同心結痛惜那拚割臂盟誤逐春風穿別院悵逢佳月隔重城含桃一咽尋常事銷斷狂魂目乍成

小集

水潔花寒院宇清眼波簾下遠逢迎依微鄉澤留髧飲鄭重葵羹為客烹醜醜故嫌移燭影身輕猶怯下樓聲筵前不盡端相意更近殘燈一看明

小試失意自遣

國士那爭月眼評未應蕭颯減歡情有才輕豔真為累作計疎狂不迎名酒肆不疑慙阮籍春城無處憶韓翃浮榮本自關心淺未息塵機為夙盟

歸後有贈

消渴歸來倦長卿東風吹鬢遠逢迎低眉意緒愁難掩落魄風標瘦可驚宜藉福緣酬密愛已甘歡分抑和名忍言妾面羞郎面敢笑前人不及情

櫟園姨翁幽棲久矣忽走京都人咸以宦情疑之余獨知其不然也既而為荆川先生請謚朝奏疏夕報可客復有進議者曰此時陳乞一蔭得旨如寄耳嗚然曰吾馳走黃塵為先公易名兩字耳今幸邀主恩歸報家廟安

能更貪羈紲為故山猿鶴笑耶飄然策騎歸逍遙林木余竊怪向之疑者
真以腐鼠意鷓鴣也記之以詩得轉韻四十八句

中丞駿譽馨蘭芷一代文章推正始致身霄漢更夷猶斂手經緯綜百史晚掃鯨
鯢靖海塵扶桑清晏豁疎襟大星空伴忠魂賞光欲何曾敵鑠金聖明曠世搜麟
鳳蠹簡殘編百朋重四部兼塵丙夜觀八編特賞經時總李牧功名異代思賈生
籌策文孫用日月昭回冥漠光風雲掩映縹緗動落落名孫饒祖風賜書千卷寄
雍容歌凝鸞鳳吹簫碧醉怨棠梨落鮮紅奇文弭冠人傳誦俠窟騷壇爭引重潘
岳家風首述詩陸機世德先陳頌千里孤裝觸雪行不求身貴謁公卿清評會向
清時吐名世真儒仁易名聖主從前勞寤寐覽書未半催宣賜不用詞林舊例沾
雲章親定裏文字問俗方求樂毅孫披文垂錄端明裔豈知骨性自煙霞冥鴻早
已飄然逝松桂濃芬滿舊山酒鎗茶臼掩柴關肯將馬鐙塵千斛換卻漁竿水一
灣幅巾東路秋尊美惟有狂吟頌天子傲骨難投世網中才名不藉家聲起家廟
焚黃享禮成不嫌野服拜明綸從來相業山中事衣白何妨是散人

歲暮客懷

國家圖書館



002940387



線

851.468

6452

10

v.1

舊籍